



UNIVERSITÄTS-
BIBLIOTHEK
PADERBORN

Liber Officialis Seu Agendorum Pastoralium S. Trevirensis Ecclesiae

Johann Hugo <Trier, Erzbischof>

Mogvntiae, 1688

Benedictio vini, in festo S. Joann. Evang.

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)

V. Ora pro nobis sancta Dei Genitrix.

R. Ut digni efficiamur promissionibus Christi.

Oremus.

Veneranda nobis hujus diei festivitas opem conferat sempiternam, in qua sancta Dei Genitrix mortem subiit temporalem, nec tamen mortis nexibus deprimi potuit, quæ Filium tuum Dominum nostrum de se genuit incarnatum. Per eundem Dominum nostrum Jesum Christum Filium tuum, qui tecum vivit & regnat in unitate Spiritus sancti Deus. Per omnia sæcula sæculorum.

R. Amen.

Deinde herbæ thurificentur, & aquâ benedictâ aspergantur.

BENEDICTIO VINI, IN FESTO S. JOANNIS EVANGEL.

V. Adjutorium nostrum in nomine Domini.

R. Qui fecit coelum & terram.

V. Dominus vobiscum.

R. Et cum Spiritu tuo.

Initium sancti Evangelii secundum Joannem.

R. Gloria tibi Domine.

In principio erat Verbum. &c. pag. 29.

Sequentia S. Evangelii secundum Joannem.

R. Gloria tibi Domine.

*Ag. pnd.
ex qua præmittitur
bened: mandelam ordinis
em Purificatis B.V.*

In illo tempore : Nuptiæ factæ sunt in Cana Galilææ : & erat mater Jesu ibi. Vocatus est autem & Jesus & discipuli ejus ad nuptias. Et deficiente vino , dicit Mater Jesu ad eum : vinum non habent. Et dicit ei Jesus : quid mihi & tibi est mulier ? nondum venit hora mea. Dicit mater ejus ministris : quodcunque dixerit vobis , facite. Erant autem lapideæ hydriæ sex positæ , secundum purificationem Judæorum , capientes singulæ metretas binas vel ternas. Dicit eis Jesus : implete hydrias aquâ. Et impleverunt eas usque ad summum. Et dicit eis Jesus : haurite nunc & ferte Architriclino : & tulerunt. Ut autem gustavit Architriclinus aquam vinum factam , & non sciebat unde esset : ministri autem sciebant , qui hauserant aquam : vocat sponsum Architriclinus , & dicit ei : omnis homo primum bonum vinum ponit , & cum inebriati fuerint , tunc id quod deterius est. Tu autem servasti vinum bonum usque huc. Hoc fecit Jesus initium signorum in Cana Galilææ , & manifestavit gloriam suam , & crediderunt in eum discipuli ejus.

R. Laus tibi Christe.

Psalmus. 22.

DOminus regit me , & nihil mihi deerit : in loco pascuæ ibi me collocavit.

Super

Benedictio vini in festo S. Joann. Evang. 271

Super aquam refectionis educavit me : animam meam convertit.

Deduxit me super semitas justitiæ : propter nomen suum.

Nam & si ambulavero in medio umbræ mortis non timebo mala : quoniam tu mecum es.

Virga tua & baculus tuus : ipsa me consolata sunt.

Parasti in conspectu meo mensam, adversus eos qui tribulant me.

Impinguasti in oleo caput meum : & calix meus inebrians quàm præclarus est?

Et misericordia tua subsequetur me : omnibus diebus vitæ meæ.

Et ut inhabitem in domo Domini : in longitudinem dierum.

Gloria Patri & Filio : & Spiritui sancto.

Sicut erat in principio & nunc, &c.

Kyrie eleison. **C**hriste eleison. **K**yrie eleison.

Pater noster. **A**ve Maria.

Ps. Salvos fac servos tuos, & ancillas tuas.

R. Deus meus sperantes in te.

Ps. Etsi mortiferum quid biberint.

R. Non eis nocebit.

Ps. Gustate & videte, quoniam suavis est Dominus.

R. Bea-

R. Beatus homo qui sperat in eo.**V.** Domine exaudi orationem meam.**R.** Et clamor meus ad te veniat.**V.** Dominus vobiscum,**R.** Et cum spiritu tuo.**Oremus.**

Deus & pater Domini nostri Jesu Christi, cuius verbo coeli firmati sunt, cui omnis creatura deservit: & omnis potestas subiecta est, & metuit & expavescit: nos te ad auxilium nostrum invocamus; cuius audito nomine serpens conquiescit; draco fugit, & vipera fileat: & subdola illa, quæ dicitur rana inquieta torpescit, scorpius extinguitur: regulus vincitur, araneus nihil noxium operatur: & omnia venenata, & adhuc ferociora animalia noxia terrentur: tu extingue omnes diaboli fraudes & omnes humano generi adversantes nequitas, & hunc potum per intercessionem beatissimæ Virginis Mariæ, & beati Joannis Apostoli tui & Evangelistæ, & omnium Sanctorum tuorum meritis & intercessionibus: tua virtute bene **✠** dicito, ut omnes ex eo gustantes ab omni malo custodias: & ad regnum gloriæ tuæ perducas. Per eundem Dominum nostrum Jesum Christum filium tuum, qui tecum vivit & regnat, in
unita-

Benedictio vini in festo S. Joann. Evang. 273

unitate Spiritûs sancti Deus. Per omnia sæcula sæ-
culorum. **R.** Amen.

Oremus.

Deus cujus potestate beatus Joannes Evange-
lista potum venenosum & toxicum digelsit, bene-
✠ dicere, & conse **✠** crare digneris hanc creatu-
ram vini : ut omnium ex eo gustantium, expulso
omni gustu nocivo : infuso tuæ bene **✠** dictionis
mysterio : sit in terris corporis & animæ remissio
criminum, & in coelis perpetua consolatio. Per
Dominum nostrum Jesum Christum Filium tuum
qui tecum vivit & regnat in unitate Spiritûs
sancti Deus. Per omnia sæcula sæculorum.

R. Amen.

V. Dominus vobiscum.

R. Et cum spiritu tuo.

V. Benedicamus Domino.

R. Deo gratias.

Et benedictio Dei omnipotentis Pa **✠** tris,
& Fi **✠** lii, & Spiritûs **✠** sancti descendat, &
maneat super hanc creaturam vini.

R. Amen.

BENEDICTIO TABER-
NACULI

Pro conservanda sacra Eucharistia.

V. Deus in adjutorium &c. **Gloria Patri &c.**

Mm

V. Do-